



უბედური შემთხვევისაგან დაზღვევის პირობები

დამტკიცებულია 27.12.2019

წინამდებარე ხელშეკრულება დადებულია „შრომის უსაფრთხოების შესახებ“ საქართველოს კანონისა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის №01-11/ნ ბრძანებით მოთხოვნების შესაბამისად შემდეგი პირობების დაცვით:

1. განმარტებები, საერთო დებულებები

1.1. **მზღვეველი** – სს “სადაზღვევო კომპანია უნისონი“, რომელიც კანონმდებლობის შესაბამისად ეწევა სადაზღვევო საქმიანობას და გადასცემს დამზღვევს უბედური შემთხვევისაგან დაზღვევის პოლისს;

1.2. **დამზღვევი** – იურიდიული პირი, რომელმაც დადო დაზღვევის ხელშეკრულება მზღვეველთან.

1.3. **დაზღვეული** – საწარმოს ყველა თანამშრომელი, რომელთა მიმართაც ხორციელდება დაზღვევა და რომლის ჯანმრთელობასთან, სიცოცხლესთან, შრომისუნართან დაკავშირებული ქონებრივი ინტერესი წარმოადგენს დაზღვევის ობიექტს.

1.4. **მოსარგებლე** – ფიზიკური პირი, რომელიც წინამდებარე პირობებისა და საქართველოს მოქმედი კანონმდებლობის მოთხოვნათა შესაბამისად უფლებამოსილია მიიღოს სადაზღვევო ანაზღაურება;

1.5. **სადაზღვევო პოლისი** – დოკუმენტი, რომელიც წარმოადგენს განხორციელებული დაზღვევის დამადასტურებელ საბუთს.

1.6. **სადაზღვევო თანხა** – სადაზღვევო ხელშეკრულებით (პოლისით) განსაზღვრული თანხა, რომლის ფარგლებშიც მზღვეველი იღებს პასუხისმგებლობას, გასცეს სადაზღვევო ანაზღაურება.

1.7. **სადაზღვევო შემთხვევა** – სადაზღვევო რისკის დადგომით გამოწვეული შემთხვევა, რომელსაც შედეგად მოჰყვა:

1.7.1. - დასაქმებულის ჯანმრთელობის დაზიანება;

1.7.2. - შრომისუნარიანობის შეზღუდვა ან დაკარგვა;

1.7.3. - გარდაცვალება;

და რომლის დადგომისას დგება მზღვეველის პასუხისმგებლობა, გასცეს სადაზღვევო ანაზღაურება დაზღვეულზე ან მოსარგებლეზე.

1.8. **უბედური შემთხვევა** – უეცარი, მოულოდნელი მოვლენა, რომელიც მოხდა დაზღვეულის ნებისგან დამოუკიდებლად, გარეშე ძალის ზემოქმედების შედეგად და გამოიწვია დაზღვეულის შრომისუნარის დროებითი ან მუდმივი დაკარგვა ან სიკვდილი.

1.9. **სამუშაო სივრცეში უბედური შემთხვევა** – სამუშაო პროცესში ან სამუშაო პროცესთან დაკავშირებით მომხდარი უბედური შემთხვევა, რომელსაც შედეგად მოჰყვა დასაქმებულის ჯანმრთელობის დაზიანება, შრომისუნარიანობის შეზღუდვა ან დაკარგვა, გარდაცვალება ან მისი უგზო-უკვლოდ დაკარგულად აღიარება;

სამუშაო სივრცეში უბედური შემთხვევა კლასიფიცირდება მისი შედეგების და ერთ ჯერზე დაშავებული ადამიანების რაოდენობის მიხედვით, შემდეგნაირად:

ა) **მსუბუქი უბედური შემთხვევა** – უბედური შემთხვევის გამო მსუბუქი დაზიანება შრომისუნარიანობის დაკარგვის გარეშე ან შრომისუნარიანობის დაკარგვით არაუმეტეს 3 დღისა;

ბ) **საშუალო სიმძიმის უბედური შემთხვევა** – უბედური შემთხვევის გამო დაზიანება შრომისუნარიანობის დაკარგვით 3 დღიდან 40 დღემდე;

გ) **მძიმე უბედური შემთხვევა** – უბედური შემთხვევის გამო მუდმივი შრომისუნარიანობის განვითარება ან ჯანმრთელობის მძიმე დაზიანება ან/და დროებითი შრომისუნარიანობის განვითარება 40 კალენდარულ დღეზე მეტი ხნით;

დ) **ფატალური უბედური შემთხვევა** – უბედური შემთხვევის გამო ადამიანის (დასაქმებულის ან სხვა პირის) სამუშაო ადგილზე ან უბედური შემთხვევიდან 1 წლის განმავლობაში გარდაცვალება;

ე) **მასობრივი უბედური შემთხვევა** – უბედური შემთხვევის გამო 3 ან მეტი ადამიანის დაშავება, მათ შორის, 1 მძიმე უბედური შემთხვევა ან 1 ფატალური უბედური შემთხვევა.

1.10. **სადაზღვევო ტერიტორია** - ყველა სამუშაო ადგილისა და იმ ტერიტორიის ერთობლიობა, სადაც დასაქმებულები იმყოფებიან /გადაადგილდებიან სამსახურებრივი დანიშნულებით და რომლებსაც პირდაპირ, ან არაპირდაპირ დამსაქმებელი აკონტროლებს; (იგულისხმება მხოლოდ საქართველოს ტერიტორია, გარდა ოკუპირებულისა)

1.11. **სადაზღვევო რისკი** - სამუშაო სივრცეში დამდგარი უბედური შემთხვევა – სამუშაო პროცესში ან სამუშაო პროცესთან დაკავშირებით მომხდარი შემთხვევა, რომელსაც შედეგად მოჰყვა:

1.11.1. დასაქმებულის ჯანმრთელობის დაზიანება,

1.11.2. შრომისუნარიანობის შეზღუდვა ან დაკარგვა

1.11.3. გარდაცვალება ან მისი უგზო-უკვლოდ დაკარგულად აღიარება;

2. დაზღვევის ხელშეკრულება

2.1. **დაზღვევის ხელშეკრულება** – მზღვეველსა და დამზღვევეს შორის შეთანხმება, რომლის საფუძველზედაც მზღვეველი იღებს ვალდებულებას, აუნაზღაუროს დაზღვეულს, ან სხვა პირს, ვის სასარგებლოდაცაა დადებული დაზღვევის ხელშეკრულება, სადაზღვევო შემთხვევის დადგომისას ზარალი ხელშეკრულებით განსაზღვრული თანხის ფარგლებში, ხოლო დამზღვევი იღებს ვალდებულებას რომ გადაიხდის შესაბამისი პოლისით განსაზღვრული სიდიდის სადაზღვევო პრემიის, ამავე პოლისით განსაზღვრული წესითა და ვადებში.

3. დაზღვევის ხელშეკრულების დადება და მოქმედების ვადები

დაზღვევის ხელშეკრულების საფუძველია დამზღვევის წერილობითი ან სიტყვიერი განცხადება. დამზღვევმა ხელშეკრულების დასადებად მზღვეველს უნდა წარუდგინოს აუცილებელი და ზუსტი ინფორმაცია;

3.1.1. დამზღვევმა უნდა წარმოადგინოს შემდეგი მონაცემები:

დეკონირებულია ნოტარიუსთან. ხელშეკრულების ნომერი №191566228

- დამზღვევი იურიდიული პირისათვის – დამზღვევის დასახელება და იურიდიული მისამართი, მისი საბანკო რეკვიზიტები, დაზღვევის ხელშეკრულებაზე ხელმომწერი პასუხისმგებელი პირის სახელი, გვარი, თანამდებობა.
- დაზღვეულთა სია სახელის, გვარის, სქესის, დაბადების თარიღის, მისამართის, ტელეფონის, საპასპორტო მონაცემებისა და სამსახურებრივი თანამდებობის ჩვენებით. დაზღვეულის სახელი; გვარი; პირადი ნომერი
- მზღვეველის მიერ დაზღვევის განხორციელებისათვის საჭირო სხვა დოკუმენტები

4. სადაზღვევო პრემია და მისი გადახდის წესი

4.1. სადაზღვევო შესატანის სიდიდე განისაზღვრება სადაზღვევო რისკის სიდიდის, დაზღვევის პერიოდისა და სხვადასხვა ფაქტორების გათვალისწინებით.

4.2. სადაზღვევო შესატანის (პრემიის) გადახდა შესაძლებელია უნაღდო ან ნაღდი ანგარიშსწორებით.

4.3. სადაზღვევო შესატანის სიდიდე და გადახდის წესი განისაზღვრება დაზღვევის კონკრეტული პოლისით.

4.4. თუ მზღვეველისათვის ცნობილი გახდება იმ გარემოებათა შესახებ, რომლებიც არსებითად ზრდიან სადაზღვევო რისკს, იგი უფლებამოსილია, მოსთხოვოს დამზღვევს დაზღვევის ხელშეკრულებაში ცვლილებების შეტანა, ან დამატებითი სადაზღვევო პრემიის გადახდა, რომელიც ადეკვატური იქნება რისკის ზრდისა. თუ დამზღვევი წინააღმდეგია დაზღვევის ხელშეკრულების შეცვლის, ან დამატებითი პრემიის გადახდის მზღვეველი უფლებამოსილია დაარღვიოს ხელშეკრულება.

4.5. დამზღვევის მიერ წინამდებარე ხელშეკრულებით დადგენილი პრემიის გადახდის წესის პირველივე დარღვევის შემთხვევაში (პრემია და/ან მისი ნაწილი დროულად ან დადგენილი ოდენობით არ იქნა გადახდილი) მზღვეველი თავისუფლდება ხელშეკრულებით გათვალისწინებული ნაკისრი ვალდებულებების შესრულებისაგან. მზღვეველი უფლებამოსილია შეაჩეროს ხელშეკრულების მოქმედება და არ აანაზღაუროს სადაზღვევო შემთხვევები გრაფიკის დარღვევის დღიდან 14 კალენდარული დღის შემდეგ, ყოველგვარი შეტყობინების გარეშე, დამზღვევის მიერ ფინანსური ვალდებულების სრულად შესრულებამდე. სადაზღვევო ხელშეკრულება განახლდება მხოლოდ დამზღვევის მიერ პრემიის გადახდის შემდეგ. დავალიანების დაფარვის შემდგომ მზღვეველი დავალიანების პერიოდში დამდგარ შემთხვევებს აღარ განიხილავს სადაზღვევო შემთხვევად და ამ პერიოდში დამდგარი მომსახურება მზღვეველის მიერ ანაზღაურებას არ დაექვემდებარება.

4.6. იმ შემთხვევაში თუ პოლისით დაზუსტებული ორიგინალური პრემია დაფიქსირებულია ეროვნულ ვალუტაში და არ არის დაკავშირებული ანგარიშსწორების დღისათვის, ეროვნული ბანკის მიერ დადგენილი ლარის აშშ დოლართან გაცვლის კურსთან, მაშინ მზღვეველი უფლებამოსილია დაზღვევის ხელშეკრულების მოქმედების პერიოდში, საქართველოს ეროვნული ვალუტის აშშ დოლართან/ევროსთან მიმართებაში, ჯამში 5%-ით ან მეტით გაუფასურების

შემთხვევაში, დამზღვევ(ებ)ისთვის წერილობით შეტყობინების გაგზავნის გზით გაზარდოს სადაზღვევო პრემიის (შესატანის) ოდენობა გაუფასურების პროცენტის შესაბამისად/ ოდენობით

4.7. დამზღვევი/დაზღვეული აცხადებს თანხმობას, რომ მზღვეველი უფლებამოსილია კანონმდებლობით დადგენილი წესით და საკრედიტო საინფორმაციო ბიუროსთან დადებული ხელშეკრულების შესაბამისად, დაზღვევის პირობების დამუშავებისა და მიმდინარე ვალდებულებების მონიტორინგის მიზნით ნებისმიერ დროს დამზღვევის/დაზღვეულის შემდგომი თანხმობის გარეშე გადასცეს ბიუროს მისი ნებისმიერი ინფორმაცია (როგორც პოზიტიური, ისე ნეგატიური) ად/ან ბიურომ მონაცემთან ელექტრონულ ბაზაში გაეცნოს დამზღვევის/დაზღვეულის შესახებ დაცულ ნებისმიერ ინფორმაციას (დაამუშავოს დაზღვეულის/დამზღვევის შესახებ ნებისმიერი ინფორმაცია იმ მოცულობით და ოდენობით, რაც საჭიროა კონკრეტული მიზნის მისაღწევად) დაზღვეული/დამზღვევი წინამდებარე თანხმობის გაცხადებით აცნობიერებს და ადასტურებს, რომ სს სადაზღვევო კომპანია უნისონისთვის მინიჭებული უფლებამოსილება არა არის ვადით შეზღუდული, რაც მზღვეველს უფლებას ანიჭებს, ზმოაღნისნული მიზნის მისაღწევად, ნებისმიერ დროს გადაამოწმოს ბიუროს ელექტრონულ მონაცემთა ბაზაში დამზღვევის/დაზღვეულის შესახებ ნებისმიერი ინფორმაცია, ამასთან დამზღვევი/დაზღვეული ადასტურებს, რომ მისთვის ცნობილია მისი უფლების შესახებ, რომ ნებისმიერ დროს შეუძლია ბიუროსგან მიიღოს ინფორმაცია მის შესახებ დამუშავებულ მონაცემთა შესახებ, მოითხოვოს მასში ცვლილების შეტანა და მოსთხოვოს მზღვეველს მონაცემთა შემდგომი დამუშავების შეწყვეტა, გარდა იმ შემთხვევებისა, როდესაც დაზღვეული/დამზღვევი სარგებლობს მიმდინარე დაზღვევით.

4.8. თანახმა ვარ, რომ მზღვეველმა ჩემი პერსონალური მონაცემები დაამუშავოს დაზღვევის და ზარალის რეგულირების მიზნებისთვის მათ შორის ნებისმიერი დაწესებულებიდან გამოითხოვოს სადაზღვევო შემთხვევასთან დაკავშირებული ნებისმიერი ინფორმაცია და დოკუმენტაცია. ასევე თანახმა ვარ ჩემი პერსონალური მონაცემები დაამუშავოს პირდაპირი მარკეტინგის მიზნებისთვის და მზღვეველის პარტნიორი კომპანიებისგან სხვადასხვა შეღავათებისა და ფასდაკლებების შეთავაზების/მიღების მიზნებისთვის.

5. დაზღვეული რისკის აღწერილობა და სადაზღვევო დაფარვის პირობები

მომსახურება	ლიმიტები	შენიშვნა
დაზღვეულის ჯანმრთელობის დაზიანება, გამოწვეული უბედური შემთხვევისას მიღებული ტრავმით.	ჰოსპიტალიზაციის შემთხვევაში, კომპენსაციის სახით ანაზღაურდება ჰოსპიტალში გატარებული დღეების რაოდენობა, სამუშაო დღეების ხელფასის ოდენობით.	ჰოსპიტალიზაციის შემთხვევაში ანაზღაურებადი დღეების მაქსიმალური პერიოდი - 30 დღე

დაზღვეულის მუდმივი შრომისუნარიანობის შეზღუდვა ან დაკარგვა	შრომისუნარის მუდმივი დაკარგვისას ანაზღაურებას ექვემდებარება: მკვეთრად გამოხატული შეზღუდული შესაძლებლობისას – ანაზღაურების ჯამური ლიმიტის 100%, მნიშვნელოვნად გამოხატული შეზღუდული შესაძლებლობისას – 75%, ზომიერად გამოხატული შეზღუდული შესაძლებლობისას – 50%.	
დაზღვეულის გარდაცვალება	100%	
ანაზღაურების ლიმიტი	ერთ შემთხვევაზე - არაუმეტეს წლიური ხელფასის ოდენობისა.	

თუ პირს უბედური შემთხვევის დაზღვევა ორი სხვადასხვა პოლისით აქვს შეძენილი სს სადაზღვევო კომპანია უნისონში, შემთხვევის დადგომის შემთხვევაში ყოველგვარი ეჭვის გამოსარიცხად მზღვეველის პასუხისმგებლობა შემოიფარგლება წინამდებარე ხელშეკრულებით განსაზღვრული პოლისის ზღვრული ლიმიტის ოდენობით.

6. ანაზღაურებას არ ექვემდებარება

თუ დაზღვევის ხელშეკრულებითა და ინდივიდუალური პირობებით სხვა რამ არ არის გათვალისწინებული არ ანაზღაურდება:

- 6.1. უბედური შემთხვევა გამოწვეულია, დამზღვევის/დაზღვეულის განზრახ ქმედების შედეგად;
- 6.2. პირებზე, რომლებმაც ტრავმა მიიღეს დანაშაულებრივი ქმედების დროს ან განზრახ აყენებენ ზიანს თავიანთ ჯანმრთელობას;
- 6.3. ავადობის შემთხვევაში, მკურნალი ექიმის მიერ დაწესებული რეჟიმის დარღვევა;
- 6.4. შემთხვევა დამდგარი არაფხიზელი მდგომარეობაში (ალკოჰოლური, ნარკოტიკული, და სხვა ფსიქოაქტიური ნივთიერებით თრობა);
- 6.5. ფსიქიური რეაქციით გამოწვეული პათოლოგიური მოშლილობა, განურჩევლად ფსიქიური რეაქციის გამომწვევი მიზეზისა;
- 6.6. თუ შემთხვევა დადგა სადაზღვევო ტერიტორიის ფარგლებს გარეთ;
- 6.7. თუ შემთხვევა დადგა შრომითი ხელშეკრულებით გათვალისწინებული სამუშაო საათების მიღმა;
- 6.8. თუ შემთხვევა დადგა შრომითი ხელშეკრულებით გათვალისწინებული სამუშაოს შესრულებისას;
- 6.9. თუ უბედური შემთხვევა გამოწვეული იქნება დაზღვეულის მხრიდან, შრომის უსაფრთხოების შესახებ საქართველოს კანონის მუხლი 11-ით განსაზღვრული ვალდებულებების შეუსრულებლობით;
- 6.10. ბუნებრივი მიზეზით გარდაცვალება

7. დაზღვევის ხელშეკრულების შეწყვეტის წესი

- 7.1. დაზღვევის ხელშეკრულება წყდება შემდეგ შემთხვევებში:
 - 7.1.1. დაზღვევის ხელშეკრულების მოქმედების ვადის დამთავრებისას.

- 7.1.2. მზღვეველის მიერ ვალდებულების სრული მოცულობით შესრულებისას;
 - 7.1.3. დაზღვევის ხელშეკრულებით განსაზღვრულ ვადებში დამზღვევის მიერ პრემიის (მორიგი შესატანის) არგადახდის შემთხვევაში;
 - 7.1.4. დაზღვეულის არასადაზღვევო შემთხვევის მიზეზით სიკვდილის შემთხვევაში;
 - 7.1.5. დამზღვევის ან მზღვეველის მოთხოვნით, თუ ეს ხელშეკრულებითაა განსაზღვრული;
 - 7.1.6. მხარეთა ურთიერთშეთანხმებით;
 - 7.1.7. საქართველოს კანონმდებლობით გათვალისწინებულ სხვა შემთხვევებში.
- 7.2. ხელშეკრულების ვადამდე შეწყვეტის განზრახვისას მხარეებმა უნდა აცნობონ ამის შესახებ ერთმანეთს 30 დღით ადრე.
- 7.3. მზღვეველის მოთხოვნით ხელშეკრულების ვადაზე ადრე შეწყვეტისას, ის ვალდებულია მთლიანად დაუბრუნოს დამზღვევს (დაზღვეულს) შესატანი, იმ შემთხვევაში, თუ ხელშეკრულების შეწყვეტა არ არის დაკავშირებული დამზღვევის მიერ დაზღვევის პირობებისა და ნაკისრ ვალდებულებათა შეუსრულებლობასთან ან არაჯეროვან შესრულებასთან, ასეთი მოტივით ხელშეკრულების მოშლისას კი დამზღვევი კარგავს სადაზღვევო პრემიის დაბრუნების უფლებას, ხოლო მზღვეველი კი ინარჩუნებს კანონმდებლობით დადგენილი წესით ზიანის ანაზღაურების უფლებას.

8. დაზღვევის პირობების ცვლილებების წესი

- 8.1. დაზღვევის ხელშეკრულებით მხარეთა წინასწარი შეთანხმებით შესაძლებელია დაზღვევის ხელშეკრულების პირობების შეცვლა (სადაზღვევო ლიმიტი, რისკების ჩამონათვალი, სადაზღვევო შესატანი და სხვა).
- 8.2. დამზღვევის სურვილით შესაძლებელია, შეიცვალოს დაზღვეულთა რაოდენობაც;
- 8.3. დაზღვევის პირობების შეცვლის სურვილის შესახებ, დამზღვევმა უნდა აცნობოს მზღვეველს ცვლილების სავარაუდო თარიღამდე 5 კალენდარული დღით ადრე.
- 8.4. მზღვეველს უფლება აქვს მოსთხოვოს დამზღვევს ცვლილებებთან დაკავშირებული დანახარჯების ანაზღაურება.
- 8.5. დაზღვეულთა რაოდენობის გაზრდისას დამზღვევი მზღვეველს აწოდებს დაზღვეულთა შესახებ ყველა საჭირო მონაცემს და იხდის დაზღვეულთა რაოდენობისა და სადაზღვევო პერიოდის შესაბამის პრემიას.
- 8.6. დაზღვეულთა სიიდან პირის ამოღებამდე დამზღვევი ვალდებულია შეატყობინოს ამის შესახებ მზღვეველს არა ნაკლებ ერთი თვით ადრე პირის სიიდან ამოღებამდე. დამზღვევს უფლება აქვს დაიბრუნოს დარჩენილი პერიოდის პრემია 5 კალენდარული დღის მანძილზე, გაწეული დანახარჯების გამოკლებით.

9. მხარეთა უფლება-მოვალეობანი

- 9.1. მზღვეველი ვალდებულია:
 - 9.1.1. გააცნოს დამზღვევს დაზღვევის პირობები;

9.1.2. დაზღვევის ხელშეკრულების დადების შემდეგ გასცეს დამზღვევზე პოლისი თანდართული პირობებით, რომელთა საფუძველზეც არის დადებული ხელშეკრულება.

9.1.3. სადაზღვევო შემთხვევის დადგომისას (გარდა გარდაცვალების შემთხვევისა) ყველა საჭირო დოკუმენტაციის მიღების შემდეგ 10 (ათი) სამუშაო დღის ვადაში გასცეს სადაზღვევო ანაზღაურება. უარის შემთხვევაში კი – დასაბუთებული უარი.

9.1.4. სადაზღვევო შემთხვევის დადგომისას (იგულისხმება გარდაცვალების შემთხვევა) ყველა საჭირო დოკუმენტაციის მიღების შემდეგ 30 (ოცდაათი) სამუშაო დღის ვადაში, გასცეს სადაზღვევო ანაზღაურება. უარის შემთხვევაში კი – დასაბუთებული უარი

9.2. მზღვეველი უფლებამოსილია:

9.2.1. მოსთხოვოს დამზღვევს ხელშეკრულების დასადებად აუცილებელი ინფორმაცია;

9.2.2. გადაამოწმოს დამზღვევის მიერ წარმოდგენილი ინფორმაცია, აგრეთვე, დამზღვევის მიერ სადაზღვევო პირობების დაცვა.

9.2.3. დამოუკიდებლად აწარმოოს სადაზღვევო შემთხვევის კვლევა;

9.2.4. აუცილებლობის შემთხვევაში მოითხოვოს ინფორმაცია კომპეტენტური ორგანოებიდან.

9.2.5. არ გასცეს სადაზღვევო ანაზღაურება: თუ დამზღვევის მიერ განზრახ წარმოდგენილ იქნა არასწორი მონაცემები ხელშეკრულების დადებისას, თუ დამზღვევი და მისი წარმომადგენლები ხელს უშლიდნენ ექსპერტთა მუშაობას; ან სადაზღვევო შემთხვევის შესახებ არ იქნა შეტყობინებული დადგენილ ვადაში, ანდა განზრახ წარმოდგენილ იქნა სადაზღვევო შემთხვევის შესახებ ცრუ მტკიცებულებები.

9.2.6. რეგრესის წესით ამოიღოს მის მიერ გადახდილი სადაზღვევო თანხა უშუალოდ დამნაშავე პირისაგან, ასეთის არსებობისას.

9.2.7. ცვლილებები, რომლებიც მოხდა დაზღვევის პოლისის გაფორმების შემდეგ და ზრდიან რისკის სიდიდეს, მზღვეველს ანიჭებენ უფლებას, შეცვალოს დაზღვევის პირობები და მოითხოვოს დამატებითი პრემიის გადახდა. თუ დამზღვევი არ დათანხმდება დაზღვევის პირობების შეცვლას ან უარს განაცხადებს დამატებითი პრემიის გადახდაზე, დაზღვევის პოლისი ძალას კარგავს რისკში სიდიდის ცვლილებების მომენტიდან.

9.3. დამზღვევი ვალდებულია:

9.3.1. გააცნოს დაზღვეულებს სადაზღვევო პირობები

9.3.2. წარუდგინოს მზღვეველს სადაზღვევო ხელშეკრულების დასადებად აუცილებელი ინფორმაცია;

9.3.3. ხელშეკრულებით გათვალისწინებულ ვადებში დროულად და სრულად გადაიხადოს სადაზღვევო პრემია;

9.3.4. დაუყოვნებლივ აცნობოს მზღვეველს ყველა იმ გარემოებათა შესახებ, რომელსაც შეუძლია გავლენა მოახდინოს სადაზღვევო რისკის ხარისხზე.

9.4. დამზღვევი ვალდებულია დაუყოვნებლივ აცნობოს მზღვეველს ან მის წარმომადგენელს მომხდარი სადაზღვევო შემთხვევის შესახებ მზღვეველის ცხელ ხაზზე **+995 32 2 991 991**, ასევე სატელეფონო შეტყობინება განახორციელოს ჯანდაცვის სამინისტროში **+995 32 2 51 00 26 (1505 ცხელი ხაზი)** და გამოიძახოს შრომის

დეპონირებულია ნოტარიუსთან. ხელშეკრულების ნომერი №191566228

ინსპექტორი სამუშაო ადგილზე უბედური შემთხვევის გამოძიების მიზნით. უფლება ანაზღაურების მიღებაზე დამოკიდებულია ამ ვალდებულების შესრულებაზე. **დამზღვევი უფლებამოსილია:**

9.4.1. მოსთხოვოს მზღვეველს დაზღვევის პირობებითა და ხელშეკრულებით ნაკისრი ვალდებულებების შესრულება;

9.4.2. გააფართოვოს სადაზღვევო დაცვა დამატებითი სადაზღვევო პრემიის გადახდის გზით;

9.4.3. წინამდებარე პირობების შესაბამისად შეცვალოს დაზღვეულთა რაოდენობა, გამოცვალოს დაზღვეული პირები;

9.4.4. მზღვეველთან შეთანხმებით შეცვალოს სადაზღვევო თანხა;

9.4.5. დაზღვეულს სადაზღვევო ანაზღაურების მიღებაზე პრეტენზიის უფლება გააჩნია სადაზღვევო შემთხვევის მოხდენიდან ერთი წლის განმავლობაში, თუ დაცულია 9.3.5 პუნქტის მოთხოვნები.

10. სადაზღვევო ანაზღაურება

10.1. დაზღვევის საზღაურის მოთხოვნისას დაზღვეულმა უნდა დაამტკიცოს თავისი ინტერესი, სადაზღვევო შემთხვევის სინამდვილე და თავისი პრეტენზია დაზღვევის საზღაურის ოდენობაზე.

10.2. უბედური შემთხვევით გამოწვეული დროებითი შრომისუუნარობა, ანაზღაურდება დაზღვეულს ერთი თვის ხელფასის ოდენობით (მაგრამ არაუმეტეს პოლისით განსაზღვრული ლიმიტისა), კანონით გათვალისწინებული ანაზღაურებადი დღეების ზევით, გაცდენილ სამუშაო დღეებზე გადაანგარიშებით

10.3. დაზღვეულის სიკვდილის შემთხვევაში სადაზღვევო ანაზღაურება გაიცემა მოსარგებლეზე ან მოსარგებლეებზე ხელშეკრულებით განსაზღვრული პროპორციებით. თუ პროპორციები განსაზღვრული არ არის, სადაზღვევო თანხა ნაწილდება პროპორციულად.

10.4. მზღვეველთან ანაზღაურებისათვის სავალდებულოა შემდეგი დოკუმენტაციის წარმოდგენა:

10.4.1. უბედური შემთხვევის დადგომის დროს,

1. წერილობითი ფორმით განცხადება.
2. დაზღვეულის პირადობის დამადასტურებელი დოკუმენტი;
3. სადაზღვევო პოლისის ორიგინალი;
4. შესაბამისი სამართალდამცავი ორგანოების მიერ გაცემული ცნობა მომხდარის (გარდაცვალების ფაქტი) შესახებ; ექსპერტიზის დასკვნა გარდაცვალების მიზეზის შესახებ; თუ მომხდარ შემთხვევასთან დაკავშირებით აღძრულია სისხლის სამართლის საქმე – მომხდარ შემთხვევასთან დაკავშირებით გამოძიების ხელთ არსებული დოკუმენტაცია (საქმის მასალები) (სიცოცხლის დაზღვევის და რეპატრიაციის შემთხვევაში);
5. სამართალდამცავი ორგანოების მიერ გაცემული ცნობა უბედური შემთხვევის შესახებ

6. ზედამხედველი ორგანოს მიერ სამუშაო სივრცეში მომხდარი უბედური შემთხვევის მოკვლევის ოქმი (ასლი);
7. შესაბამისი, მოქმედი კანონმდებლობით განსაზღვრული, კომპეტენტური ორგანოს დასკვნა შრომისუნარის მუდმივად დაკარგვის, ან ინვალიდობის თაობაზე (გასცემს ჯანდაცვის სამინისტრო).
8. სამედიცინო დასკვნა და სხვა მსგავსი დოკუმენტები, დაზღვეულის ჯანმრთელობისათვის მიყენებული დაზიანების ხასიათისა და სიმძიმის ხარისხის თაობაზე;
9. ცნობა მტკიცებულებების თაობაზე, რომელიც გამორიცხავს დაზღვეულის ალკოჰოლურ, ნარკოტიკულ, ტოქსიკური და ან ფქსიქოტროპულ ნივთიერებათა ზეგავლენის ქვეშ შესაძლო ყოფნას, შემთხვევის დადგომის მომენტისათვის, შესაბამისი შემოწმებების ცნობის წარმოდგენის გზით.
10. დამსაქმებელსა და დასაქმებულს შორის გაფორმებული ხელშეკრულება, შინაგანაწესი (უფლება მოვალეობების განმარტებით).
11. 1 წლის ხელფასის ამონაწერი (ან შესაბამისი დოკუმენტი).
12. საავადმყოფო ფურცელი (ბიულეტენი).
13. შრომის უსაფრთხოების შესახებ საქართველოს კანონის მუხლი 11-ით განსაზღვრული ვალდებულებების შესრულების დამადასტურებელი დოკუმენტი. (შრომის ინსპექცია).

10.4.2. დაზღვეულის გარდაცვალების შემთხვევაში წარმოსადგენი დოკუმენტებია:

1. საქართველოს კანონმდებლობით დადგენილი მოთხოვნების დაცვით გაცემული დაზღვეულის გარდაცვალების მოწმობა, ცნობაში მითითებულ უნდა იყოს: გარდაცვალების თარიღი, ადგილი, ასაკი და სხვა ინფორმაცია.
2. ზედამხედველი ორგანოს ან სხვა შესაბამისი ორგანოს მიერ სამუშაო სივრცეში მომხდარი უბედური შემთხვევის მოკვლევის ოქმი (ასლი);
3. ექსპერტიზის დასკვნა გარდაცვალების უტყუარი (კონკრეტული) მიზეზის შესახებ;
4. სამართალდამცავი ორგანოების მიერ გაცემული ცნობა
5. თუ მომხდარ შემთხვევასთან დაკავშირებით აღძრულია სისხლის სამართლის საქმე - საქმის მასალები.
6. მოსარგებლის - მემკვიდრის სამკვიდრო მოწმობა (მამკვიდრების სამკვიდროში წილის მითითებით) და პირადობის დამადასტურებელი დოკუმენტი

ნებისმიერ შემთხვევაში, კონკრეტული შემთხვევის სპეციფიკიდან გამომდინარე მზღვეველი უფლებამოსილია მოითხოვოს შემთხვევასთან დაკავშირებული დამატებითი დოკუმენტაცია, დანიშნოს ექსპერტიზა და შეასრულოს სხვა მოქმედება.

11. დავათა გადაწყვეტა

11.1. ნებისმიერი დავა მხარეთა შორის გადაწყდება ურთიერთმოლაპარაკებისა და შეთანხმების მიღწევის გზით. შეუთანხმებლობის შემთხვევაში მხარეები ირჩევენ დავის გადაწყვეტის ალტერნატიულ საშუალებას - არბიტრაჟს.

11.1.1 მხარეები გამოხატავენ ნებასა და თანხმობას, რომ წინამდებარე ხელშეკრულებიდან ან/და მასთან დაკავშირებული სხვა, მათ შორის, აქსესორული ხელშეკრულებიდან თუ ხელშეკრულებიდან გამომდინარე ნებისმიერი დავა განსახილველად გადაეცეს შავი ზღვის საერთაშორისო საარბიტრაჟო პალატას (სარეგისტრაციო ნომერი: 212917067).

11.1.2. მხარეები სრულად იწონებიან არბიტრაჟის მიერ დამტკიცებულ საარბიტრაჟო წარმოების წესებს (დებულებას/რეგლამენტს), მათ შორის, ნებისმიერი შეტყობინების/ინფორმაციის/გზავნილის ჩაბარების წესებს და გამოთქვამენ მზადყოფნას დავის არსებობის პირობებში განხილვა წარიმართოს წინამდებარე ხელშეკრულებითა და საარბიტრაჟო წარმოების წესებისა და პროცედურის გათვალისწინებითა და დაცვით.

11.1.3. თუ წინამდებარე ხელშეკრულების გათვალისწინებული დებულებები/წესები ეწინააღმდეგება არბიტრაჟის დებულებას/რეგლამენტს ან წესებს გამოიყენება წინამდებარე ხელშეკრულების დებულებები/წესები.

11.1.4. მხარეები აცნობიერებენ, რომ არბიტრაჟში დავა განიხილება ერთპიროვნულად, ერთი არბიტრის მიერ, რომელსაც ნიშნავს არბიტრაჟი: დირექტორი ან თავმჯდომარე.

11.1.5. მხარეები თანხმდებიან, რომ საარბიტრაჟო დავის განხილვა, თუ დავის საგნის ღირებულება არ აღემატება 20 000 ლარს, უნდა განხორციელდეს ზეპირი მოსმენის გარეშე, რაც იმას ნიშნავს, რომ არბიტრაჟი დავას განიხილავს და გადაწყვეტს მხოლოდ მისთვის წარდგენილი საბუთებისა და მტკიცებულებების საფუძველზე. ამ წესიდან გადახვევა შესაძლებელი არის მხოლოდ იმ შემთხვევაში, თუ ორივე მხარე წარუდგენს არბიტრაჟს წერილობით შეთანხმებას, რომ საარბიტრაჟო დავის განხილვა განხორციელდეს ზეპირი მოსმენით, არბიტრაჟის მიერ განხილვის ამ ფორმისათვის დადგენილი პროცედურის/წესების ფარგლებში;

11.1.6. მხარეები ითვალისწინებენ, რომ არბიტრაჟში საარბიტრაჟო წარმოების ფარგლებში საარბიტრაჟო განხილვის დაწყებამდე ან განხილვის ნებისმიერ სტადიაზე საბოლოო საარბიტრაჟო გადაწყვეტილების გამოტანამდე შესაძლებელია საარბიტრაჟო სარჩელის უზრუნველყოფის ღონისძიების გამოყენება. მხარეს შეუძლია შუამდგომლობით მიმართოს არბიტრაჟს საარბიტრაჟო სარჩელის უზრუნველყოფის ღონისძიებების გამოყენების შესახებ.

11.2. „პრეტენზიის დაფიქსირება შესაძლებელია შემდეგ ელ-ფოსტაზე: shenikhma@unison.ge, ასევე შეგიძლიათ დაგვიკავშირდეთ შემდეგ ნომერზე: (+995 32) 1 991 991 “